



Publicaziuns dalla vischnaunca, jamna 31

Damondas da baghegiar

Datum da publicaziun: ils 3 d'uoost 2012

Nr. 2012-1057

Ils patruns: Adelheid e Clemens Tomaschett-Hildbrand Via Latis 10, 7180 Disentis/Muster

Il representant: Adelheid e Clemens Tomaschett-Hildbrand Via Latis 10, 7180 Disentis/Muster

Object: Construcziun d'in paravent, parcella 2252, Via Latis 10, 7180 Disentis/Muster

Nr. 2012-1058

Il patron: Thomas Monn Wachterweg 3, 8057 Zurich

Il representant: Biro d'architectura Rico de Castelberg Via Alpsu 2, 7180 Disentis/Muster

Object: Spazzar il baghetg existent e construer ina casa da pliras habitaziuns parcella 790, Via Veglia 3, 7180 Disentis/Muster

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Muster, ils 31-7-2012

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2012-1038

Othmar Lutz-Schmed, Via Plaun-Sut 16, 7180 Disentis/Mustér; prolungaziun dil tetg sur l'entrada dalla casa, parcella 1858, Via Plaun-Sut 16, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Muster, ils 30-7-2012

Uffeci da baghegiar Disentis/Mustér

Elecziuns communalas 2012

Quest'atun han liug las elecziuns dils organs communalas per la perioda d'uffeci 2013/2016. Per quellas elecziuns ha la suprastanza communal fixau ils suandonts datums:

a) Termin d'abdicaziun

Il termin d'abdicaziun per il **cussegl da vischnaunca, la suprastanza communal, il cussegl da scola sco era per tuttas ulteriuras cumissiuns** e delegaziuns ei vegnius fixaus sin **mardis, ils 28 d'uoost 2012**. Suentar quei termin vegnan las demissiuns publicadas el Fegl official dalla Surselva.



b) Termin per inoltrar propostas

Vischinadis ni gruppaziuns da silmeins 15 votantas e votants han la pusseivladad d'inoltrar entochen 30 dis avon l'elecziun propostas per candidatas e candidats. Las propostas ein da far **en scret** e d'inoltrar **entochen venderdis, ils 28 da settember 2012** all'administraziun communal. Officials che han buca demissionau valan sco proponi.

c) Termin per las elecziuns

Las elecziuns dils commembers dil **cussegl da vischnaunca, dalla suprastonza communal e dil cussegl da scola** han liug **dumengia, ils 28 d'october 2012**. Las elecziuns da tuttas ulteriuras cumissiuns succedan pli tard entras ils gremis competents.

Suprastonza communal Disentis/Mustér

Niev cau dil survetsch tecnic e forester communal

Cun la fin da fenadur 2012 ha *Werner Müller* terminau siu engaschament sco cau dil survetsch tecnic e forester communal. Duront varga sis onns ha el empalau quei impurtont menaschi communal cun grond engaschament e success. En quei interval ha el realisau numerous projects. Menziun speciala mereta il luvratori per il menaschi tecnic a Cuoz sco era la reuniun dalla grupp dil stradelesser cun quella dil forestalesser en in survetsch tecnic. Werner Muller ei adina sestentaus d'introducir novs systems e da raziunalisar il menaschi tecnic. Naven da miez uost 2012 surpren el ina incarica speciala tier la Viafier federala per la tgira dils uauls da schurmetg sper la reit viafierila els cantuns Turgitg, Schafusa e Turgovia. Las autoritads communalas engrazian cordialmein al partent per sia prestaziun da vaglia e per siu grond engaschament, giavischond ad el ed a sia famiglia tut bien per siu avegnir. Cun l'entschatta d'uost 2012 surpren *Simon Cathomen* las incaricas da Werner Muller. Il davos onn eis el staus siu substitut, aschia ch'el enconuscha gia il menaschi da rudien e garantesch cheutras ina cuntinuitad dalla direcziun e dils projects instradai. La suprastonza communal giavischa al nivel cau Simon Cathomen tut bien en sia nova funcziun ed ina fritgeivla collaboraziun.

Suprastonza communal Disentis/Mustér

Purschida gratuita

La vischnaunca da Muster porscha a ses habitonts la pusseivladad da visitar gratuitamein la Casa da traffic a Lucerna, **www.verkehrshaus.ch**. Al spurtegl dall'administraziun communal sa per **mintga di** digl onn vegnir retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.- reduenziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagnar cun quasi tut ils mieds da traffic publics en Svizra? Dapli informaziuns retscheveys Vus tier l'administraziun communal Muster (telefon 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.



Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adrebbein nus a Vus cun ina ferventa supplica: **clamei ils pumpiers mo sur il clom d'urgenza 118**. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch. Engraziel per Vies sustegn!

Vos pumpiers Sursassiala

Viafier retica

Remplazzament dil cuors da tren Glion–Disentis/Mustér

Muort lavurs da construcziun vegnan ils suandonts trens denter Glion e Disentis/Mustér remplazzai entras bus da Auto da Posta Grischun:

Glendisdis–venderdis dils 23-7 entochen ils 21-8-2012 senza ils 31-7 ed ils 1-8-2012

Glion partenza 23.33

Disentis/Mustér arrivada 0.09

Mardis–sonda dils 24-7 entochen ils 22-8-2012 senza igl 1. ed ils 2-8-2012

Disentis/Mustér partenza 5.44

Glion arrivada 6.21

Informaziuns detagliadas davart ils trens retscheveis Vus alla staziun al sistem d'informaziun per clients.

Viafier retica

Controla da bulius

Sonda, ils 28 da fenadur 2012 naven dallas 17.00–17.30 ha liug avon l'entrada dalla casa da scola nova a Cons ina controla da bulius. La controla ei gratuita e succeda entras il controllader Egmont Heisch da Cumbel. Ulteriuras controllas han liug ils 11 e 26 d'uost 2012.

Organisau d'ina gruppa d'interess



Messa en l'alp Russein, Mustér

Dumengia, ils 5 d'uost 2012 allas 12.00. Silsuenter uustria sil plaz. Per quei di ei la via aviarta per il traffic.

Cordialmein envidan
*ils pursanavels dallas
alps Cavrein e Russein*

**Beach Sport Plaun Petschen, Cumpadials Turnier da ballareit/Beach-Volley
Turnier da ballapei/Beach-Soccer Fuffernadi da Beach-Volley per 50plus**
Mira sut Sumvitg.